

今白華堂詩錄

今白華堂詩錄卷三

古體詩

遊仙詩六首寄贈里中諸君

天孫住錦機長吁到清曉銀屏萬戶涼雲霞墜空杳華屋
散文章秋風天地老驂空怯彩鸞弓影月華皎靈匹在東
頭萬年歡會少昨夢鵲語傳今歲聘錢了

靈霄傍藥珠掌花幾仙子皇冠九霞裳高坐衆香裏圓圓
雀扇邊捧冊綠衣使紫泥入夜鈴花外靜蚪水清心闢玉
盤月冷蟾蜍死

罡風吹東海忽忽變桑土翺飛鳥爪仙旋旋作煙霧斗大

穀城中真人聞紫府兩心三千年碧天與終古贈以蓬萊
雲時灑五色雨

星精化為人騎虎遊八極巖險遙塞天舉手忽中劈上界
無侯封冊君為威伯湯沐十洲圖軒窗百寶色手摘酒旗
星珍珠向空滴

瀛洲春風閒仙鬢雙綽約碧絨繡天衣涼雲五銖薄倦倚
白柰花蓬池清一勺容華寒水知洞門鎖金鑰月姊行青
天玉券手相託含笑寂無言曇花滿空落

仙童顏桃花玉簪寒綠髮時化雲一絲飛身入明月情天
風露淒防惹九仙骨前宵彩伴過幔亭張霧窟借得紫雲

璈奇弄酒邊發

論古有作示恩兒及徐甥

鬼中殤宮作何語天問九歌此其祖荒臺思更麗且淫遂
覺文字荒唐無過楚在昔江漢閒首唱二南詩相隔幾人
代正變乃若斯吁嗟乎采風不行華亦夷

傾吳以西子與吳實夏姬巫臣當日不爭室安得狐庸來
作吳軍師造化弄荆蠻為生兩尤物遙遙制霸圖興亡等
一拂吁嗟乎女戎循環命終訖

宿臨潼驛

新豐酒市黃昏散少華送人青不斷深更笳鼓動驪山誰

道華清成候館是時月黑風騷騷
鼙鼓驚竄荒雞號東西
繡嶺總如墨但見懸厓樹接明星高
移燈廊廡背林壑折
過虛堂掩雲幕似聞池水噴蓮花
猶覺衣香襲蘭薄吁嗟
乎馬嵬驛與臨潼驛一樣教人感
哀樂僕本恨人那遣此
敲枕中宵睡難著卻思全盛開元
時夢魂飛上朝元閣

灞橋行

八川分流各異態縱然乍合還相背
人世萍蹤那可定一
聲玉笛離筵對霸陵橋下千尺水
霸陵橋上雙旌隊柳枝
送盡漢唐人昔日青青今尙在君
不見東來西去馬蹄驕
回首天涯入望遙除是探梅驢背
客詩魂不為此閒銷舊呼

為銷魂橋

渡渭河

發軔自長都舒節遂西指望見朝陽外丹霞映綠水柳下
魚軒停蘆邊雀舫艤沙棠首尾漫登之平若砥中虛置方
亭翼然孤鳳跂四窗納遙岫藍田紫閣峙上下渾水天汀
岸競蘭芷是時霽色開慈親輶然喜攜孫令舉典頗解
說太姒余為引邶風目驗得奧旨持正不動搖湜湜信如
沚惟思雍州浸著在職方紀一川遙委輸紆回二千里渭
源隸金城渭南屬內史以渭計官程彼竟此纔始殷憂胡
可言我行殊未已且乘半帆風到及日移晷漸車上水涯

扶輪行邈邈舉目咸陽城征塵接天起

自枰鉤驛至甘草店

我馬既束我車既懸凌空百搖兀纔得躋層巔層巔上復
上西日墮我前盤盤五十里沙石相迴旋亂轍紛螭蟬有
雲無不穿時從褰帷際俯見雲下田始信鞏州民習險能
耕天見興地志九州多厄塞此直翻坤乾吾思野胡麻與胡麻嶺相近
餐之儻得仙俄驚落千丈旌騎來喧闐本道署執事回首
隔中華但有星光連漸復闢人境一程樺火然誰云彼都
會界外非窮邊

十月初夜地震

虛堂無風窗紙鳴滿堂朔清洪濤聲如駕海舶檣忽傾頭
目眩轉不暇驚牀几連體皆浮萍孟水躍起燈還明魂搖
氣惛神漸惺始悟地震心怦怦是時夜半停嚴更萬籟闕
寂萬象冥惟見一僕茶甌擎趑趄僵立依前楹主僕無語
相向瞪彌覺蕩我雙槳猶我生記曾三度經今乃與昔殊
徑庭良久不止吾其阮奈此隻影悲遐征死生骨肉難復
并欲寄一語將安能萬端紛雜來填膺仰空莫訴螻蟻情
幹旋大力邀神靈无往不復陂竟平須臾萬室開宵扃狂
呼合響如奔霆四面橫舍尤喧轟痛定思痛賀更生登牆
矚我同圍城我於其中浩歎興兩閒無處無虧盈世界本

由缺陷成自古斷鼃鼃足踈扶輿畢竟誰枝撐人生此世
真無憑道塗空復夷險爭敢恃平地忘淩兢乾坤之毀况
有微十二萬年歸蜚騰微軀幸免噩夢醒念此輾轉哀黎
氓安得後來運會昇生逢天地常清甯

讀碑有感

尋幽非訪碑遇碑亦關意建刹昉何年厓略當有誌篆額
曰墓庵細觀始嗟異分明古蘭若今乃屬某氏名公擅手
筆蛟龍走文字墓庵勝墓莊剖決見精義良因鑒衰族荒
莊子孫棄但悲經生言未必周世事從來功德院多成瓦
礫地守冢仗緇流本為萬年計誰知轉瞬間與墓共興替

何況鍾禍胎曾聞宋元際哀哉魏憲靖麥飯天長

寺名寄發

冢由僧奴埋藏資獻媚遺殃及六陵虐燄賊髡燬天壤彌
浩劫詎非若曹致人生心計工畢竟歸罔濟念此寺為庵
幾經勞變置重以貞珉鐫將為金石例而我百感生無術
固延隨古云碑者悲對茲堪墮淚去去勿復道門前落山
翠

易水吟

易陽城北斜陽沒易水寒風正蕭瑟風中傳出浩歌聲壯
士登程堪髣髴當時不揣劍術疎一死報恩計偏決想見
白衣冠相顧無人色哀哉樊將軍來處不勝國奉圖仗孺

子料伊股先慄七首徐夫人難濡一縷血遂致燕祚斬旋
見六王畢遺恨此水濱何時返俠骨噫嘻古來敗局難為
收督亢縱獻原非謀其如全盛還效尤孱王割地傷咽喉
昨聞前途即白溝令我懷古深邊愁瓦橋曉日蒼涼出夢
墮燕雲十六州

河工雜詩

賈讓定三策今但取其下賈魯三法存疏濬亦姑舍患至
輒塞隄何以追二賈塞之一事勞無窮勞費雖竭還須聽
天工不見漢代元光中興徒塞瓠子汲鄭胥無功

年年信水覩清明或夷或險於此分今年知必險漲盛來

尤勤大官老於事請扼沁水濱一旦移節駐上游下游遙
隔難通聞難通聞專責歸我乃如負山之一蛟

峙我芻橐迺我縶櫪察我椿與埽晨夕拊我心怒焉如擣
但聞人言夏以來水氣勃戾當成災

五月瓜蔓引六月礬山過七月豆花盛百川灌洪河牛馬
渾不辨兩崖將如何天平幸勿作淫霖勿使蛟龍起盤渦
祁連古雪尚可鎔龍門鉉冰尚可搯鑠金之暑今乃不可
仗端為積陰太甚羣陰從黃牛懸中泓中泓日見凸雷吼
入半空挾雨勢不發雷逢逢兮雲陰陰水氣濕天今天欲
沈測商羊兮舞態驚勝遇兮啼音搔首隄上立短髮不勝

簪

八月上弦月離畢蒺藜花閒風瑟瑟土人傳慣龍出游而
我聞之心戰慄風起雨必隨龍游水斯溢此時用周防計
惟法令密丞倅及備弁傳呼立時集分條手自書木榜削
數十典我衣與裴發緡待資給勞績事後敘優當逾往日
員弁督鋪夫務各出死力晨夜風雨中吾將效梭織守者
寸步離嚴罰必隨及役非止荷校吏非僅貶黜相視咸悚
然吾書力輟筆是夕隄下居人已驚河入室

宵分地籟起上與天籟交箕伯促屏翳銀線空中飄河公
得所憑欲逞天吳驕滿河雪山湧后土為動搖混混鹿鹿

中百億魚鼈有時入晦冥難分夕與朝有時黃霧塞日
氣沈沃焦蕭瑟轉雄猛喧呶翻寂寥奇觀宇內茲并包洞
庭波錢塘潮如是儻連日蒼生付我將安逃

句有一日雨成凍衝飆如牆不留縫我馬旣瘖強馳鞍向
前步步若鎖空此際盆翻趁昏霧激箭射身無弗由造物
何心為此弄仰首但將風伯訟旁覘大溜揭巍棟稍移咫
尺即壓衆按鋪往回核須綜醒眼通宵在噩夢拊循還使
勿疑恐吏民亦能生死共儻教懷懼散一闕勇節王尊吾
伯仲金隄可填身可送七尺生來得所用

上下巡再周嚮晨微辨色鋪房餘把茅主僕立如植被製

交滲灘就熇烘更溼駟卒極飢疲仆地盡鼻息半晌鞭不起起覺河勢逼驅之爭須臾休作可憐色尋常軀命捐違知廢寢食

我不能為王延世竹落盛石壓水勢又不能為陳希元木龍殺水下水痕束手視危險賴此單隄存衣裯及冶釜祇防穿漏痕他工被雨不得施今日稍霽那憚煩取土上坡補塌損編柳護埽禁掀翻吏民賞罰吾更亟日十二時無停轅

雨息風不止全河走如狂所向略坐轡立可致懷裏尋獾洞探鼠穴危乎一罅逗迅於六丁掣設想能無心膽裂風

漸回隄無缺浹餘臣力竭

茫茫下土滔滔長河下界蟣蝨臣效力能幾何力竭籲天
天若立應天如不應臣罪殛思痛今朝當痛定嗚呼天豈
惜茲蟣蝨臣為憫昏墊苦用副

帝堯仁

甯陽驛邸

樹杪村雞鳴燈邊野鼠竄候館寒柝疎行廚暮輦斷荒荒
成邑本蕪田孟氏當時圉馬便宵分月出照無寐對客長
山青可憐

雨馬行

飊輪夜捲房星高馬嘶落月雙騰槽健兒聳臂整轡勒意
輕千里無神皋一馬微赭一馬白赭者高骨白淺毛賞憶
支遁駿為上畫懲韓幹神先凋玉花照眼奈豐肉赤驪昂
首矜雄驚每思御馬如御將與收庸鈍毋甯騎長風十日
雨連野九衢龍躍馳雲濤我車十步九不進赭馬伏地山
戴鼇途長變計駕白馬傳來怒語風蕭蕭一櫪豢養共苜
蓿千金聲價歸蒲梢往時歆玉敢稱敵祇今汗血難辭勞
蘭筋月脅爾安在鞭聲不作青銅敲箠答有時還例及仰
天淚雨惟長號生平操鑒異皮相術宗衛忌無遁逃豈料
亂真在近似骨幹難審侔纖毫自悔顛倒誤驅策坐令危

難貽同曹同曹受羈幸勿怨努力學驥成賢豪

題秦良玉探營圖

明社將屋無人支西川一幟來蛾眉平臺召見以詩寵沙
場舉目天顏悲萬里勤王赴遼左捷書夜盼平安火長纓
曳劍白玉鞘錦袍帶甲黃金鑲帳下兵多攜小鬟孤征約
共孤雲還月冷沙昏窺敵壘鼓寒霜重躡嚴關威聲已使
連營拔浚河留戍饒歌發還肩蜀事亟西行奪纛擒渠羅
賊蹶豢寇其如楊武陵寇深宗社亦隨傾龍鼎已銷天子
氣蠶叢猶屹夫人城嗚呼古來滄海有橫潰空寫英姿墨
與淚巾幘如君孰敢貽鬢眉對此誰知愧細思莫謂時無

人熊袁盧孫皆絕倫長城自壞不自惜何況羣小咸操斤
君不見貂璫網盡奇男子仗到桃花馬上身

十一月二十五日敬詣 觀德殿隨班哭臨謹紀

闕殿元都抗北極景山松柏作庭樾普天猶頌萬斯年茲

地竟遷四閱月

是日行四
滿月禮

昇平坐致由焦勞 繼述當

年柄獨操 大智如神莫可測 淵衷主靜誰能脩 化

成久道益兢業統輯羣生歸并包 知人善任在明試許

身當共師夔皋不材自計邀登用任怨奚辭祛昔壅司化

不嘶奈彼蒼消長迭乘憂患衆

太上鑒臨天日照孤

臣

負謗邱山重披陳蟻惴更何由贍

望
龍輶祇號慟

紅蓮閣懷章郇公

文憲公輔器儀表朗琨玉清忠絕附麗當宁資啟沃昔來
倅是邦寓寮遺芳躋高閣銜山青朱華冒湖綠轉輾五百
載吾家此老屋小子仰風規棠陰如在目

偃月隄懷錢使君

沙隄繞吾門湖光宛如截妙畫錢使君虹申作月缺引泉
便酒務衆樂此其一使君厯中外方資濟時傑何緣忤拗
相竟令齋志歿弔古臨沙頭一樽薦香潔

水則亭懷吳丞相

憶昔寶祐中公來判慶元郡綱及海道敘績難具論人忌
丞相業物蒙制使恩蓄洩水利誌深淺石平痕云胡返撲
席遭讒成覆盆風雷一夜逝俎豆千秋存遺民集廟下心
香薦湖縈觀公貌憔悴令我心煩冤岳祠械檜賊方祠跽
姚髡閩中方正學祠以姚廣孝像跪階下唐王命也恨不按例鑄賈似沈炎懾彼
姦佞之遊魂

碧沚懷楊文元

金谿言明心入門務究竟文元實大宗講堂晚尤盛近人
詆陸學功利汨心性考訂詞章家視楊若陷阱試想忤主
歸風節孰侔勁芳洲帶草香開門吾起敬

碧沚在吾家對門舊名芳草洲

西憧憧橋懷陸康僖

司寇起東藩超轉膺異數非藉赫赫名實著休休慮囚

滯獄銷舉朝服平恕橋西駟馬門後人愛其樹仰止余尤

殷遙遙葭末附

余為陸氏門婿

天一閣懷范司馬

藏書甲海內天祿亦取資文物重鄉邦想見龍鸞姿還聞
列朝寧挺身抗兇威南顧洗劇盜咸懼上將旗宏獎鑒人
倫鱗附歸來時我生惜太晚但思借一瓴

藕尾灣懷余文敏

吾讀龍門史心折公所評知公學超世酌古羅精英暗中

識熙甫古文到眼明秉鈞僅三載國是賴調停高志謝塵
鞅上鞅浮雲征所嗟五柳莊空負歸來名載瞻師相第舊宅
以天朝師相四字署其門亦等巖扉局

南湖懷沈文恭

恩怨起黨論唐宋殊紛紜枋臣類不免奚獨苛蛟門是邦
競文采鴻藻孰與論大雅久不作吾仰嵩華尊時隨王謝
燕掠過南湖濱

清遠峽

嶺外萬山無寸膚虬龍蛻骨空中趨罡風雙挾下瀆水倔
強到入青天隅青天落霞忽千狀翠壁丹崖互相向雲根

裂罅走玉虹萬古澄灣一舟樣

峽名澄
碧灣

潮避溟海戀中宿

峯擬羅浮矜草創神鷹絕頂叫白日驚颭巖花落江上微
聞虛籟飄玉笙或訝雲光見羽仗飛來梵寺傳蕭梁佛火
一點沈蒼茫削鐵陰中憫鬼斧大慈不救臺城殃是時魏
齊競梵宇北南遞作禪門主獨將崇佛責佛奴亦恐山靈
嘲譎語山陬海澨自丁尼佛劫茫茫陷中土何況浮航道
粵城西來達摩方號祖遠公故事聞匡廬神運

東林
殿名無難

託雷雨李習之東坡翁兩賢精魄應此中吾誰與語唐宋

下峽口逝水斜陽紅

西齋讌集

今白華堂詩錄卷三

三

官齋適野興春晚似秋曉
研山青苔生琴牀白菊繞
攀芳度檐隙披翠出林表
蕉竹鳳尾翳榕楮鸞翼矯
露藤煙蔓影一一向空裊
地清發衆香天靜寫青杳
裁廢得空闊引繁轉竒篠
月榭敷席平星巖入杯小
轅門晚鼓歇仰面落歸鳥
田圃散幽矚耕桑話豐兆
此時百蠻情夜戶清輝皎
粵中花草多所未見者
芸臺師每遣小奚折一枝見

示詩以紀之

嵇含狀草木深致雅人領
吾亦生南方此書謂可省

讀作減省

之今沿章江來林壑變凡境
棉紅燒一天榕綠涵半頃
取次訝蠻鄉况復越梅嶺
迎船物色繁過眼半不省
蓮幕盛

栽植幽事遣春永仙荔攢黛葉佛桑漾丹影貝多觀音蘭
瑰詭出娟靜尋常桂與菊候乃並桃杏吾師勛多識示益
不待請一物恥不知諒哉陶山玄景

唐荔園和韻

唐初五嶠阻白雲紅塵緣隔細枝繁彭城舍人到南海不
知曾涉誰家園桃源勿為外人道此意定識仙姝言曲江
家居多宴會稠盤綺繡充前軒傳告西掖尙莫信舊聞那
徵漢永元纔如處士起聲譽荔事繫唐實根原後來進御
美何似環肌浴出溫泉溫驛程顛仆供一笑尤物遂奪仁
民恩安知廣南值天寶石壕困蔽非斯村枝葉離披本漸

撥北南分戒成崑崙紅雲荒過荔香曲中閒差幸詩壇尊
司空坐領州七十遊宴定不踰省垣泮塘清景近西郭故
應旌旆來開樽方今宦績佐盛治熙熙遊舫狎鷺駕初唐
風景晚唐句太平潤色資考論昌華電紫漫齒頰華清猶
足傷盤根

朝抑貢筐俗崇雅庥和所播物力存名園一記詩萬首共
因鯉對瞻龍門海山仙窟自終古珊瑚樹底鼇負坤來者
難証此園在千年重疊尋詩痕

西齋再集疊前韻

園林無世情塵目領亦曉北窗客枕敲西齋詩夢繞聞召

亟起赴軒楹敞霞表故蹊誤蒙密新柯誠天矯湧身上平
臺衆綠波影裊衫銜落日淡扇舉暮雲杳被圃花深深覆
籬竹篠篠酒頌聖者清藝論道之小相看憶仙蜨
語及京邸蜨園
有託欣衆鳥涼意夜欲闌潤氣雨先兆傍荷燈九枝照見
露珠皎

偕同人遊唐荔園

唐荔園記讀百回唐荔園詩閱千首衙齋兩月恣卧遊無
數驪珠已在手昨聆清約興轉劇曉色陰晴亟窺牖輒興
繩貫出西郭畫帆雲駛上南斗海光日色金碧麗萬闋琛
寶溢江口歛收耳目一港迴清景殊非意中有千椿漁舍

今白華堂詩錄卷三

十四

環鷗鳬九折荷塘閒蒲柳海山仙子何處來隊隊絳襦驂
蚶繆乃知造物護名姝特遣珠江閤靈藪名姝名士例相
屬不獨煙霞夢徵叟才人過嶺思故園天與清娛意良厚
咄哉荒宴誇紅雲刻畫無鹽那忘醜為治南漢朔晚唐遂
令舒州名獨負當時幽趣擅南國豈與花田藥洲偶吳昌
水郭麗以繁厯下明湖清且瀏平生遊迹分眼前屏卻笙
歌逐文酒咸通雅會好詩句吾輩胸襟亦此剖今情古意
轉惘然後一千年又誰某小亭劈荔增流連斜日聽蟬坐
忘久歸舟去去乘晚潮探珠還跨驪龍走

遊海幢寺觀白端石

相傳是
尚藩造

迴帆並海門一漚見空碧到岸收客心入寺見佛迹古榕
儼離衛香界翠雲閣檐鐸喧潮音經幢老風色百折穿複
廊闐然出後壁耕寮敞十畝綠疇綠無隙高荷大芋間野
氣夏寒積鷹蘭郭家園蚪松楊子宅只此豁塵慮奚論仙
與釋僧言塔殿好導觀若相逼仰首忽失聲雪山湧千尺
四周二百圍奇光瑩玉液端谿白雲腴乃爾恣旁魄嵌空
菩薩像聳身欲騰擲誰歟作此弄巖腹洞刻剔想見垂旒
尊龍象侔勢力如何仗大雄不靖逆藩逆我生汗漫遊頗
周化人國莊嚴拓跋最極侈歎西北南中諸伽藍難為較
崇飾此塔竟過之供養何利益坡老懺一念余恆逞狂易

今白華堂詩錄卷三

五

宜乎百年身坐受萬種厄且欲止迂談歸意蕩夕汐茲遊
或前定一拓眼界窄

閏七夕詞

天工巧算餘分積春藥秋星眩詞客昔年鏡水閏花朝今
歲仙城閏七夕仙城前月紛瓜筵美人秋思何纏綿簪篸
更薦李容子孔雀重初沈下賢靈娥此夜應無計一年一
渡天公例雲渚遙憐脈脈情燭房替瀉淫淫淚七夕紅留
粵荔支一寸黃消楊樹枝郎意黃楊終自短妾顏紅荔不
多時此時蓮幕秋香窟牽牛花殘桂花發幾千路隔泛樣
人第八回看上弦月數來桐葉圖琅玕別有秋心愁畫難

但願人間勝天上耕夫織婦常團圓

九日登鎮海樓 樓凡五層

百年催我過半生重陽有高何不登九洲涉歷總無憑今
朝忽控天南鵬城北之山秋煙青呼鸞古道斜一繩仙風
吹入蒼玉屏菊氣著衣涼欲冰花龕駐足魂飛騰轉首突
兀天五層盤空磴絕梯枕乘踏山響徹山鬼驚一層白日
搖我睛雙尖窄堵奔前楹題餽健筆相憑陵兩層欄楯不
可凭三城一覽蒼煙平俯指雉堞環曲塍江湖滿地空浮
萍三層腳底雷鼓鳴獅洋倒向胸懷傾方知南極如水晶
四層俯仰神凌兢溟渤影混天冥冥五層直上穹隆庭絕

叫萬古皆前橫大荒元氣風雨聲乘風颯沓來羣靈龍川
一老傍五星椎結大長騎長鯨樓船飄瞥流金精銀楹珠
殿飛煙輕梵宮廿八神佛并紅雲白雨迷陰晴蠢蠢蟻蝨
銀與澄吳侯弩目垂黃鬚捩白龍項龍敢獗一攝霸氣無
餘腥揩眼恍惚塵夢醒惜無鸞鶴空中迎白雲對面呼當
磨我欲乘雲朝紫清

讀芸臺師茶院石記感賦

硯才百萬茶院中造化孕異難為功彼岨戴土分去聲埋沒
誰闢厚土開鴻濛形模絕奇顏色古蕉黃荇綠榴皮紅蚘
幹嶙峋髓凝珀虎彝斑斕肌蝕銅祇驚一朝破混沌豈知

廿載潛磨礪顛末試考節樓記情偽漫恨端州工舉世徇
名但耳食紫雲舊價文房崇新阮雖滑好規矩有若胡廣
稱中庸古來人事物理悟羌無依託難發矇史傳往迹足
塗附治譜勦說堪雷同幾輩遭遇遂維翰如爾識拔艱帝
鴻青華魚腦強相冒位置纔許承明充真龍肯幻與畫似
受參諒不驚葉公所歎致身厯歲月如隱雲霧仍朦朧席
前瑚璉愧虛器崖下鐵石堅此衷實事求是本真在美質
待價精誠通誰歟文章許露名許立端復得之命世之人
宗吁嗟乎

清時國寶最須惜寄語諸君慎持格若道巖穴無遺材何

得此阮有佳石

詠史十五首

周衰競諸子稱首蘭陵賢門徒一披猖六籍成灰煙河汾
啟相業奚獨崇師傳崑源色本白濁流歎百川

仕宦無常遇操行有常賢孔門幾名位最窮淵與濤一堂
競屹屹遑問東周天咄哉泰山守誇耀先生前

酷吏首郅都循吏次王成郅都竭臣節王成務空名如何
良史筆千載滔滔湮所以上計吏偽貌紛西京願下臣敝
奏條教無虛行

潔士獨隱翳姦雄黨能臣子魚讓三公虛詞謝故人幼安

方省愆蹈海全其真潛夫交際論諒哉疎與親獨惜荀文
若進退皆失身

馮衍迫自陳千秋贅一疏徇公思弭讒連州計先誤本類

刻舟識

去聲

安事墮甌顧吞聲窒隙媒差愈向天訴

宦寺拯忠良尙能絕凶類被嗾賈郎徒見睡程梵輩

謂孫程高

梵事君直道行叔卿本無愧家門不增口耿耿歎晚歲居

官念子孫天道敢忘畏

孔光祕溫樹燕語多從容任畧在禁省歸書常不封公家
須若私私言須可公清夜對古人願質平生衷

梁陳大雅衰子昂傑然起感過多蒼涼古意託君子抽簪

今白華堂詩錄卷三

六

返故縣一朝收獄死朝廷重拾遺令長迺敢爾誰云陷樂
恢定出權門指

袁絲交劇孟浮沈厭宦趣杜牧賦故園亦樂鄉黨附胡為
乞郡煩披肝一紙訴里胥難取容臧獲並余侮閉門喧囂
中鼠侵不可數

市井不為吏賈人不乘車名器世所倖法令空漢初顧陰
販繒客安昌貨殖徒高貲日以貴納言紛五都魚鹽方待
舉莘野笑耕夫

治生祖陶白今人棄勿論便便夸毗子少小倚市門搏掩
起聲利財雄互相吞羅哀藉石氏數載埒王孫絃歌斷城

邑華屋連雲屯

吳質詆鄉里輕薄文人目班彪廢繩檢遷史亦難續性峻
山勢孤道廣水流濁昌黎作通解通豈不殊俗

憂患文字生萬感集一語趙壹賦嫉邪聞者擯不舉執手
逢三公意氣自相許西還聲價重切責門吏拒勿倚推士
誠君子慎所履

情話悅親戚陳說有生平慕彼嵇與陶取適在性情人
豈無偶知己良非輕青琴向誰彈壺觴還獨傾

虞卿工著書仲任肆流派國狗旣斲賢邑犬亦吠怪語憤
心難平卽此致累害寡過邁伯玉浮雲諒無礙

為阮賜卿題小卿環仙館圖

仙城學海涵

時芸臺師方建學海堂於粵秀山

萬景耀神秀之子闕青細

洞天靜白晝映世文筆清積古金石壽經疏方開宗史表
已苴漏欲動萬古魂迭發千載覆餘事精王琚射經校吾
穀珊珊泮妃來款款黃嬭就風骨宜仙居圖畫出天構蠻
花倚檻笑海雲扶林走中有羣聖賢精神炯列宿西山大
小分卿環諒亦復勵志兼博物此室豈徒守乞賦鷦鷯枝
巢痕記余舊

署方伯李鐵橋廉訪饒余藩署賦似同席諸公

拱北樓頭挂天鏡一城冠蓋賓筵盛沈沈樺燭夜如年滿

院紅薇聽觴政侍郎八斗傾風騷將軍墨壁嚴秋毫談笑
羣公各樽俎交親氣概青雲高此堂舊是蓬萊闕禺山鑿
破鯨宮出鐵柱銀楹尙儼然豪華轉眼風流歇南漢以還
別一天中華雨露消蠻煙陸賈時時起文采盧循往往埋
戈鋌獨憶狂瀾聞粵匪十五年前劇籌海

先皇宵旰授機鈴上將風雲應饒凱恩波洄湖南溟深
停樽共話各霑襟白頭吏盡軍書在長識憂勤廊廟心
許身亦覺身雖賤殘客不羞頻預宴當時中禁多相知今
日高堂幾相見雲龍蹤迹渺前程明月年年海上生早晚
懷人向京國遙覘經緯答昇平

自三水至英德連程阻雨

滿城祭竈吾登舟江雲攔客旬日留坐覺年光蛇赴壑朝
朝日送西南流臘日妻孥對風雨圍坐燈花卜行旅遙憐
半百歲崢嶸說與燈前小兒女

榕樹陰陰江寂寂除夕鷓鴣啼暫歇嶺南無雪易收雲
市晨曦飛榜集舵樓銀勝作新年瓦盆魚蒜不論錢去馬
來牛斷十日年頭一飽真關天

江程十里雲轉深江岸竹光寒酒襟庾嶺早春香影動何
時晴煖梅堪尋昨宵凍雨欺春淺飄溼夢中詩一卷篷窗
人語兀然醒川上日華朝晃眼

流水聲中過人日大廟峽前岸痕出村墟爆竹散春煙遙
簇釘盤野人室西齋正是好年華無端臘尾趁浮家官園
七種憶挑菜江樹一枝思詠花

連夕峽中魂夢驚山聲水聲兼雨聲猶認防河駐秋岸魚
龍逼枕牀欲行今朝對山幾叉手吟到夕陽挂帆走方知
信宿阻江波為欠山靈詩幾首

緯上峽行

緯上峽萬牛不回首咫尺雨載程水風十日守江心飽極
峽捫口舊雨今雨憐我梅柳篷背忽斷聲浮雲避日否長
年驅人奔左右一繩仰面高箏絃千夫插腳莽林藪緯上

峽戴且負風送入峽峽不受怒波迴船勢挾彈丸走人聲
滿江沸亂蟬禱佛焚香彼誰某牀沿蹶起一病叟病叟病
哮不敢吼先生茫無知伏案兩時久耳邊但覺雷霆過雙
峽趨來落余後吁嗟爾浮雲雨風子與友江南堰工今若
何爾勿作劇害廬畝絳上峽余何有詩卷在目杯在手人
許後世名鬼羨生前酒開篷一笑對寒江疇昔金龜渺芻
狗

朱茱堂少京兆同年

為弼

招同梁

■

■

太僕

中靖

程

竹厂鴻臚

邦憲

小集飲菊軒

長安故人多不賤十載相思喜相見齊年握手尤殷勤招

飲忙如曲江宴尚書

穆鶴舫京兆君與何那竹江

各兩人就中癡

絕君無倫昨日城南

竹江招赴季會在廣西會館新設之戲園

醉兀兀忽作謾

語知有因世事弈棋何足道笙歌院落猶更新

菜堂語

今朝

趣為菊花壽共脫烏紗坐清晝梁程澹宕君疎狂直泛竹

根到宵漏如何一訴不得志掉頭只向菊花勦君之始願

吾未忘但欲積古供參詳古器摩挲日百徧鐘彝盤鼎羅

書堂尚意義軒有金石所恨巢燧無文章寸心長抱四千

載便埋塵土皆精光其時一解已自足升沈兩字非衷腸

何況通藉歷御史當街赤棒橫秋霜數載不調亦無悶雖

云前沈後則揚只今品次亞獨坐自顧肘後猶銀黃儒生

徵倖到卿寺抑塞磊落豈所望君聞此言喜而笑一飲百
杯猶舉醵鴻臚明日歸吳江吾亦從此還海邦累君酒罷
灑別淚勸君萬事勿挂意不如追覓畢骨董徑入死軒一

酣睡

南宋畢良史精賞鑒高宗呼爲畢骨董
所蓄多古冢中物因自署其軒曰死軒

今白華堂詩錄卷四

古體詩

及門山陰汪雨人解元

能肅見訪

悶雨覺有懷不省繫誰某粹傳滅字刺中懷豁如剖聲呼
達楹東拱立兒座右欲語茫無從相驚各衰醜趣將行李
至聊為弛擔負虛閣開塵扃壁苔紛可帚藜牀話零星晷
刻午移西登筵乏瘦羊充盤足早韭吾欲騁醉談恨子不
飲酒嗟子自京國相從廿年久當時應俗文無心得舉首
天機轉靜深志業愈清厚怪辭易驚衆失子誰引咎落魄
趨風塵相逢歲丁丑荏苒又四載天路同撒手行藏一拊

膺恩怨兩箝口東野詩宜窮次山文不苟吾門幸得此豈
羨青雲友顧影祇自笑丹鉛亦長守若問所著書避謗效
陸九且飲勿復問南山在窗牖

題史氏像譜

越公挺出鄞江湄躬樹八行開福基忠定厚德能載之冕
旒肅穆天人姿斟酌和議良識時薦賢更起百世師進翁
秀目掩顰眉東舉瘦影留緇帷文靖宦橐書一鷗懸車不
待華髮滋南叔特立何疑疑乃心中外涅不緇退稱獨善
足燕貽肯與宗衮相追隨忠宣不黨貌植鰭王呂介第堪
等夷

吳泳行詞云如安國之
於安石大臨之於大防

子仁蕭散長奉祠昇聞著錄

含箴規一生但怪臣叔癡果齋問學孰敢訾紫陽堂室皆
深窺惜哉璟卿名獨垂上書飲醕甘如飴丹青竟忍明珠
遺史氏前後茲門楣數公而外吾何知

白象山歸抵潭下作

去年此日歸裝發征車曉碾關山月今年刺篙海上行月
波萬頃寒無聲南舟北馬一宵夢夢破沙頭寺鐘動披衣
忽訝雲裹身海氣溼人衣袂重筍輿十里頻回頭要誌平
生汗漫遊彭姥嶺遮山梓闢黃谿渡喚鳥鉤輶草草茲遊
吾願足全郡煙霞都寓目甯郡六邑
今始歷徧不然浪迹空天涯詎
免家山笑人俗歸帆風急尤稱心蛟龍竊聽吾低吟寒宵

一宿最堪戀潭下月明松竹深

次答陳簫樓上舍贈句

儒冠驚名場恍惚市一闕中歲賸篋稿錯負醯雞甕飢餓
應俗文百發嗤偶中餘力弱弩末鑽紙豈能洞與君卅載
前笈鸞偕繫鳳於時數吟壇巨擘已推仲塵區我久疲文
囿君恣鞚同社兩晨星出沒猶倥偬歲寒造遽廬舉頭天
宇空娓娓竟夕談厯厯皆昨夢詩卷高尺餘貪吟酒忘束
月林竿籟響當席和清弄寥哉耆舊編此才足兼衆副墨
儻貽我益智勝饋糗同聲那敢希歸昌習雛哢君自少即耽吟事
弗哂過時學殘冬聊此送

趣簫樓刻詩謂恐以妄見嘲因疊前韻解之

七雄競中原不笑鄒魯閨鐘竿奏太常田夫叩盜甕洪纖
各自效無慮不相中詩人善解嘲此腹得空洞矧計鼃蚓
耳或駭鳴岡鳳四明風雅歇茲集鮮伯仲躑躅歧途人詎
免怪飛鞚人生不自記百年徒倥傯事留情景備駒隙儻
非空頗知後代賢欲徵此生夢但恐掩本真號寒未嘗凍
不爾面目在總異脂粉弄我詩擬踵出憑嗤妄人衆騷韻
甯可追弔屈許投糗時烏乘氣化努力暢新嘒君看唐宋
明千載幾編送

秋懷

江湖秋水闊鴻雁殊未來帛書何時繫尺素亦悠哉西風
著意凋華髮鳴鵲聲催衆芳歇天涯祇是夢觚棱當頭夜
夜長安月

重九前一日簫樓同范雲士學博標顧二麓茂才貳

見訪登觀日樓遙望山色有登高之意因留小飲越
二日簫樓以預登高會詩見示次答

湖上秋深夕陽早夕陽卻為詩人好樓頭促坐拓窗牖一
鏡天涵四山小山光如雲招輒來入山蠟屐胡為哉病夫
謝客門常杜寂寂重三與重五來朝爽節又重九欲對黃
花無老圃丹山洞天臨十洲常時夢拾香草柔有客看山

來那便別山去當檻飛一觥正對雲生處眉峯平視已若
登其顛想見藍田玉山留客住座中大抵半百年懷抱祇
合中聖賢請看月湖舊詞伯南宋風流盡朝籍當時甲第
雲煙空滿眼湖山誰氏宅客不飲吾盡觴送客還思客歸
去醒眼何以酬重陽今君貽詩束詩來俗塵避讀罷龍山
入人意此樓雖無百尺高欬唾居然落天際

神工曲 簫樓鐫贈名印數方恨所蓄印泥不佳屢
乞代製昨過其齋頭承先以製就一合見貽欣然滿
志因賦此併謝

古龍繞腕成旋風鐵筆繆篆驕神工牙牀小花乳六拜

賜纍纍詫奇福紅國土淺刀圭愁真香銷盡蘇合油惡書
猶劣恃鈴印鴉陣惟嫌淡霞襯神工有餘鍊雲霞鳥爪不
敢飛丹砂珊瑚枝碎落花甕合一滴瓊膏融絳蠟暮窗鎖碧
先斜窺涎若醜女貪燕支雙袖捧歸凝夜紫寶光射燈花
笑垂龍賓細語紅燈右疊賀文房得韻友紫泥銀印天上
寒研北花南好相守

擬謝靈運遊赤石進帆海

江介含餘春蘭芷相扇發碧漲彌枉渚丹霞冠清樾延眺
入混茫復此淩瀛渤陽侯方戢波權謳亦暫歇晴沙矚雲
錦長綃指貝闕川路迴已迷神仙渺難越成連刺篙去安

期乘蹻沒遺世無古今攝生有津筏逝將詠栖川潛蚪雲
水窟

弄水陶嘉辰中路紆澗壑雲林曙猿鳴沙岸暮禽落靈迹
倦迴互高情睠虛廓將窮瀛漭勝遂果遠遊諾孤櫂凌三
山積水映六幕珠采動雲駛金膏眩星酌潏溟蜃氣銷浩
蕩鷗性樂魏王瓠已浮任公釣堪託達生遂微尚止鑒謝
塵縛緬邈區中緣外物徒龍蠖

烈婦行為任嘉湖妻周氏作 氏夫亡守義有謀嫁
之者服溘死乾隆甲子某月日也年一十有九其族
子行夫茂才以狀來請為詩之

菟蘿翳枯松衝颶日相侵抱痒甯徙枝同死固其心生為

菟蘿死乃化為石與金剡源之鄉清且淑皎皎者姝映蘭

谷氏周曰嬪任三六猶未足嫁時年十七蒿簪則範稱兩族稱

兩族能茹貧食藜非苦食桂非辛天平何意速奪我舅姑

復殲我良人天以艱貞大義歸妾身哀寡鵠曾無雛存一

綫祀在立孤孰云期功親匪妾分所依守死待撫孤天人

鬼咸知胡來彼婦為梟鴟一壠一堠橫睨之委妾於鳩媒

料妾難自持昔妾之入門兮郎病目為復明今妾而去帷

兮郎有目其能瞑海水枯波瀾晶鹽結霜雪鹽中有滷堪

引決一死艱難晒明哲吁嗟烈婦得死所為婦二載烈干

古至今諸任父老流涕言鄉閭名教賴扶樹梅陽山葬光處
揜隧誰其揭者采風使

為李心陔文學

復來

摹其先世宜興李氏三忠像因

各賦一詩

天將捧海盪合浦焦原何人搏雕虎夜半決起逆毛鷁
颯颯沙散急雨沈湘志決門生所羈魂十年隨故主嗚呼
中丞兮面猶生硯池止水通精靈

兄骨未收第橫草魯陽戈遺窮海島何以家為如所云區
區一州不可保兄已乘箕第乘尾共抵天閭叫穹昊嗚呼
監軍兮墨寫真碧血隱見端谿雲

衣帶詔促炎祚滅甘露變起屍橫闕鷹鷂見惡終欲誅志
士喪元快同穴十八人中論家世一門三忠事更烈嗚呼
侍御兮髯戟張令我禿管生風霜

陳石士學使以阮協揆師所貽大理石秋山桑葉小
景燈屏令諸生賦詩亦作一首

太古不合有畫師何況南詔古荒外繁誰畫徧山石白董
巨荆關早分派鴻濛鑿破化工出是石非石皆古畫就中
一片更奇絕秋陰橫塞碧空隘磐頭冷澀霜氣染巖岫分
明轉杳靄平林點筆認倪迂丹赭天然閒青黛欲從村落
尋蛩吟似有夕陽在鴉背卿環仙人抱石癖每憶石渠成

意會茶阮之硯灘江圖冥搜絕品此其配貽來何啻雪浪
奇萬里雲煙掌上墜諸葛藝圖正思議米顛抱笏未遑拜
燈前老眼如月明一照秋山極南戒

寄答徐星伯同年

松

即索觀其所著書稿

論衡歸中郎還北談更進有人檢帳中枕祕竟莫遁向秀
注南華邱葵定周禮當時任嫁名孰與窺底裏作者儘自
晦日久亦難假人各有千秋詵癡枉搨摺明史三百載石
匱紀精詳西域二萬里君志開洪荒事大附必衆良賈徒
深藏兩書終並傳灼灼徐與張

君著西域同文志一書不欲輕出相示似慮人蹈襲

者故解之

明史紀事本末谷氏操為已有實則張宗子

岱所著名石

匱藏書不可掩也張亦紹人故舉以相例

居庸關行

居庸關內紛宮苑居庸關外龍沙遠天成絕險衛王畿堞
影荒煙鎖層巘半空飛鳥不敢過兩壁積鐵牢重鍵西控
上谷俯崙崙東接長城走蜿蜒明祖當時度形勝巖疆在
目燕都定即看右輔掘宣同那許邊藩越梯磴蒼松峽外
塞烽息青楊戍前沙磧淨便勞朔漠事親征但聽入關笳
鼓競異事乘輿陷土木犬羊無數成羝觸守禦何人員外
羅通羅衝寒汲水灌城速憑教太古雪同埋欲等交河冰漫
滅七日期然三捷聞連屯列成無遺鏃豹房權倖邀巡塞
昌平宣府皆行在豈無韃靼思憑陵自有軍都截外內三

上疏傳關不開

御史張欽事

一丸泥塞虜先退天險從來守在

人當關一夫逾萬隊寇氛後日侵邊徼趣戰峭灌如揖盜

失機縱復悔輕出還恃巖扃堪禦暴甯武將軍旗鼓臨大

同副使烽煙冒狂賊心驚屢欲還此關重險何能到貂璫

用事累朝誤覆轍逾深甘再蹈北門鎖鑰付閹奴蟒玉鳴

騶作前導兩杜姦謀踵相接

杜勳以大同關降賊後潘籬杜之秩即以居庸關降

決盡無堂奧明社明陵總陸沈關門落日殘鴉噪嗚呼山

川邱陵舉目非星移物換徒歔歔太室陽城恃險失夔門

劍閣庸材譏

川李特語

古稱在德不在險尤在用人能審幾即

今承平大一統八荒戶牖憑崔巍崖下征人舉首望重霄

疊翠乘朝暉特標勝景三丈碣

崖上

御碑鐫居

要鞏

皇圖千里畿旁攬四十有七臺遠瞻四十有九旗任子非

材膺鉅任令我往來慄慄警危機

是關為延慶州所轄

人都經八達嶺

槐花促人忙堪笑及老夫首路沙際盡艱險當重踰危崖

外崩劣仄徑中盤紆峽角縈綫轉壁面削鐵俱俯趨哀壑

逼仰出罡風扶極茲尾塞境迺通八表途險易理相因但

慮尠穹徧回瞻大翻

山名在州西北

外蔽天醫無間

岡巒積長陰漠色若留爽路轉疑赤城曙霞光萬丈杏林

錦繡堆繁花耀晴朗素髮摘豔羞青袍及第想

張職山孝廉及華兒

隨行征途變暄寒景物隨下上卸棉可及今添裘成既往行至入達嶺皮裘添一領近關漸趨井倏爾豁平壤煙柳
余於來時驗之信不謬也憶及是日為吾欲清明攀條心悵惘宗人上冢之期

題蛟川倪節母秋燈課子圖

節母事振風烈折蓼令範書不絕彤史胡為有銷歇節母
嗣多大賢孟陶歐陽方比肩其餘裊鼎皆雲煙倪生繪此
冊幽光燭海浦秋窗燈一點節母心千古桂不自知辛蓼
不自知苦奉翁代孝子課兒擬嚴父事畢邀旌揚白壁已
黃土報德悲罔極倪生紛淚雨銀黃分難綰縱綰亦何補
生乎且勿悲青囊紹爾祖古醫稱聖儒深達養生主陰陽

必洞究人物先判剖課讀意當然以書淪靈府桐雷久不
作民生厄二豎難素憑識丁經方素旁午臆度標與本別
脈類市估盤冰斗火分縱橫各旗鼓聞哭猶茫然心驚舌
暗吐死者但自恨肺腑不能語天道將如何飢溺待稷禹
方今不朽業生堪唾手取晨夕溫遺編蘭膏續燈炷儼然
臨簪笄惕若對夏楚研精萬理徹沈縣立可愈試豈雜藥
投診逾隔紗覩分明韋幔中付汝續命縷卽今推園工起
廢澤云普上池潢淵源會聞頌仙姥忍死十六載全活千
百戶似此貽令名便與大賢伍永永耀泉壤顯揚奚足數
生乎勿更悲有力自茲努君不見景惠殿前煥金碧儒賢

長接伊尹席又不見河汾述方體母心銅川夫人稱到今

題停琴佇月圖

琴邊不可無月色月下不可無琴聲遙夕人天兩相待海
水欲白神絃清一丸忽逐流雲走東山之上徘徊久卻憐
君意為雲遲林閒還袖南風手人脈脈天沈沈仰面不知
月在琴此時宮商何處尋大地山水皆清音

華兒捷春闈報至卻寄

五十少進士唐人言其難惟難斯為貴擬以九轉丹汝年
甫及冠逐隊強就試穿楊豈所能拾芥一何易曩余過三
十名遂學已劬自茲世務攬所就恨區區誰起八代衰誰

為百世師科目以人重卓哉韓昌黎先生嘗四舉一得猶
忸怩矧堪矜速化罔顧俳優嗤

讀書雜感

貝錦巧織成可怨不可怒溫厚如詩人乃欲界豺虎惡惡
亦為國豈惟毒太苦嗚呼爾言要須慎還恐汝遷不汝信
何況口戕口利害常相傾脣槍與舌劍往來一閒爭豈不
開酈生掉舌下齊城蒯生掉舌酈生烹

孤臣一片心傳與千載知孔門左邱明魯國子家羈文字
信足感孤忠竟何為嗚呼遭遇如此令我悲

聞定海警

六月七日歲庚子海雲夜飛挾枉矢驚聞番舶寇翁州俄
報全城陷沒矣此城卻為東浙障門戶直達扶桑溪內聯
郡邑百萬家懍懍唇亡寒及齒已教一面觸駭鯨詎免三
江涉封豕郡東為三江口借問嬰城禦寇誰總戎裏創縣令死么
膚何物恣跳梁無備久經側目視勇夫重閉吾苦口習實
為常虛元耳賊伺瀛寰虛邑同長驅豈復虞堅壘亦知野
俗正人須怵呂嘉實內宄世上桀黠無地無人心一搖
萬端其百來中原亂有兆乾坤逼仄從此始

讀史雜感

五部入中原阿瞞實作俑姦雄圖篡竊奚遑慮雜種自後

十六國橫流勢洶洶所以微管歎攘夷獨推重

茂宏一白望戮力亦所勵苦遭多難餘威和極疲敝胡克
殄峻約還焚襄國幣方鎮饒英謨不患虎狼噬

夾寨馳晉軍吳越不為恥試問錢婆留何如李亞子開門
為節度良足保鄉里事賊終古羞

羅昭諫對
武肅語

詩人解道此

閏上巳

我生之年閏上巳距我生朝七日耳恩恩六十九年來今
日還追出世始忝設門左弧頽然成老夫前月戴柳園薑
毒得免無袞除不祥冀多術適今兩遇重三日故事憑誰
遇閏增曲水堪追右軍筆已矣平生初尚無造生後難具

論忍從干戈際還開襍飲樽水心之劍自足制天下但願
金人一再奉

至尊

楊氏一門忠節錄書後

楊氏忠節堪溯源再十一公導崑崙宋餘庚申帝難認明
訖乃有唐魯藩唐魯參商亦同氣那如楊家好昆季彼離
九族宜覆宗此植三綱竟塗地否屯氣數殊難猜勁草莫
脫焦原災餘分信非大造意多殺國士奚為哉委贄荒朝
分斯定大義凜然合致命當時若但守青氈不入危邦豈
非正雖然鏡川之楊本是關中楊季漢北魏久已橫羅殃

邇彥悲哀公鼎喜古惟冤慘今輝光况受明恩非宋比鏡
川簪纓九傳矣非常之報在此時不報將為苗裔恥嗚呼
成仁取義

天所襲曠典無濫誰虛叨卽今不諱容採掇門望四忠更
雙節清芬如此幾家誦持示世人應歎絕君不見瑯邪王
氏多公卿人地乃為袁郎輕又不見袁誼矜崇歷世祖名
節由來重門戶

初晴

午霽日氣清光晶薄羅幃喜燥集檐鵲高下相因依小蟲
如細雨偏近蛛網飛類彼撲燂蛾羅患脫者稀容光適誤

物豈實藏禍機欲保太陽恩哲士當知幾

軍門行

巖疆重鎮資戎韜御軍令合嚴秋毫奉

上威靈山岳竦建牙氣象星壇高

國初以來定東浙計綏全省軍門設越州暫駐移明州龍
節載馳交虎節當時陸海無煙塵水師亦易恬鯨鱗五鎮
鞞刀待驅使六營初服揚威神余也流觀自童稚翠蕤雲
旂揚鼓吹靜覺飛鳥避轅門動聞縱鶴點軍士乾嘉之間
廿載餘臨淮

指李
忠毅

壁壘驚天吳氛裊全收閩粵界櫓槍敢

見東南隅承平寢久始忘亂紀律日疎心日玩虛把并兒

譽葛疆難教飛將同崔旰連番夷寇來乘墉營屯隊仗如
飄蓬元戎霧隱四山黑帥府雷轟一炬紅事平易帥重整
頓土木丹青及藩溷改作惟煩執役趨前愆違責曳兵遜
從茲部曲忘同仇著從事衫得自由預計臨戎散鵝鵲漫
思摧敵驅貔貅昨者陳兵剡川曲柏臺徵調先遭辱秋原
三舍傳敗亡板屋千家效戰哭婦女軍門糾約齊搏膺被
髮元堂躋誓死俱稱聶政姊率先自道杞梁妻中軍參將之命婦
洶洶人海潮聲溢從官彷徨主帥匿鈴轅行馬任推排蘭
綺弓刀半摧折賓階觀察色如土易服逃生難出戶解紛
倩客輸金錢屏息從人笑文武老夫策杖適來過目擊心

傷奈若何耀日

奎榜

堂中懸額鐫御製提督箴

猶咫尺插雲棟宇徒巍巍轉念興尸

由孟浪死事家人須曲諒誰識全軍閒道歸依然復所都
無恙吁嗟乎朝家餉糈飽鼠輩練成長技只奔潰大邦屏
翰古攸崇全浙干城今坐廢甚哉威弧不能弦妖星隱見
牛女躔但倖鄉關倚保障奈無彈壓空山川燈下搔頭賸
白髮軍門在眼思兀兀殘生得享太平無翻恨臘殘增歲
月

檢諸家詩文集

古今不過數才子滿架遺編出誰氏偶因散帙曝中庭整

妮牙籤究終始麻沙木洛陽紙多少精神敝於此世上有
人爭不行人人有集都相似嗚呼六經面貌無相同異樣
莊騷亦自工局縮杜詩韓筆後千年文字可憐蟲

紅蓮閣下醉歌

是日為余
八十五生辰

紅蓮閣下陶家土五百餘年化為我腹似鴟夷口似瓶吸

十洲春奚不可

紅蓮閣為南宋酒務
所造貢酒名十洲春

束髮受書日思酒同

渴羌心醉伯倫頌夢入無功鄉黃墟時或傾千觴出門交

當世逢場氣如虎麴生為傾倒白薄驚大戶將與飲者之

名共千古無端入直承明廡稀傍家甕窺浮蛆更效趨塵

肉食鄙止酒但容日食米崆峒使節鄰酒泉芳名入耳空

流涎山左官廚亦蕭索青州虛慕從事賢歸來差幸世役
不我牽家食三十載晨昏近杯杓自謂從此醉太平未殊
少壯恣酣樂漢武作酒名無愁誰知有酒翻罹憂班史稱
酒為美祿要知命蹇易銷福僂指一紀來亂患若轉轂提
壺傳警報舉杯聞戰哭常時白眼望青天心猜天醉殆眠
熟康狄爾何功使余難下嚙旁觀諒余心亦知不能勸今
日何日動春酌兩壻葛壻雲莊
應壻眉州及兒孫展席紅蓮閣東風
正拂湖濱柳開門招得東鄰叟胡叟
綺南笑云為余慶八旬瀛
洲玉醴令人壽近來國狗尤狎余方愁憤時吟呻壽酒
何物尚能入余脣叟前揖余言遺世在酩酊不聞元亮歸

柳下只憂醒薦蘭英浮竹葉須惜光陰如鳥疾計公之生
二萬八千八百日堂堂去盡那留一聞此驟然不覺百憂
失初筵畏空樽漸已徧三雅戲謂殘杯且停把餘年似酒
不禁瀉葛壻進余酒兩掬伴兩壺應壻進余酒十榼餘百
觚並言張餘姚少朱海鹽靜獻飲來下走各多且旨旨且
有可化春酒為西湖儘祝餘年似春酒哈哈莫更辭是
宜一飲三百杯漫說眉壽如增川且免大耋嗟落暉叟醉
但拊掌我醉能髣髴白髮蒼顏扶竹杖為作醉歸圖太平
還有象明日醒眼披圖賸神往

責夢

我生八十年須紀百六十勞勞晝夜均一日作兩日夜非
晝所為後與前相襲少年事久忘夢中卻甚習合眼無安
魂更長尙不給豈乏快意遭偏非夢所及或夢世情忤或
夢文思澀求醒不得醒汗流殊窘急鬱怒發狂叫悲哀餘
涕泣倦體略輾轉幻境愈紛沓醒欲責宜樹宜樹輒響答
黑甜自有鄉靈運奈心雜但如愚人心便與至人合責我
徒爾為試學洗心法

讀史

悅世恃佞美見嬖非一人弱冠邀重封推援勢莫倫驚忍
劇屠伯貪冒熾錢神縱蹙輒復振小屈還大伸古來生此

輩造物豈無因陰陽有消長理亂本環循庶儒守常談妄
疑天不仁請看夸毗子牖下恆全身

紀異

兩人自相謂鎮海人姓洪曰帝曰丞相所在使衆聞正容

非謔浪衆知其本末微賤等厮養駭聞加詰責乃用乩語

証竟令一癡奴傾貲效奉上相攜匿荒谷集徒兼募餉在

化西鑄印待榜揭竊摹謄黃樣剖氏潛愬官就逮猶矯抗

屠之若犬豕洪斬於奉化盈街笑愚妄嗚呼此人妖不足

問反狀史冊曾一書晉安帝時泰千古卻無晉郡地氣

今如何使我餘年增快悵